

明憲宗實錄

卷一八四至二四四
成化十四年十一月至
十九年九月

明憲宗純皇帝實錄卷之一百八十四

成化十四年十一月戊午朔欽天監進成化十五年大統曆

上御奉天殿受之給賜親王及文武羣臣頒行天下○宥太常

寺少卿童軒欽天監監正張瑄康永韶田恭罪時軒掌監事進

呈大統曆七政曆俱有謬字命各自陳昏伏罪有旨軒等失于

校讎法當治罪姑宥之春官正以下并司曆二人命錦衣衛鞠

治以聞○以明日萬壽聖節遣駙馬都尉恭震楊偉詣告

長陵獻陵景陵裕陵馬誠謁告景皇帝陵寢○己未

萬壽聖節上詣奉先殿皇太后宮行禮畢出御奉天

殿文武羣臣及四夷朝使行慶賀禮○始令翰林院官習儀先

是翰林院官僚自永樂宣德以來相傳免習儀至是錦衣緝事

官校奏學士王獻楨討張泰不赴習儀上命鞠問之獻泰舉

相傳之例以間宥之仍詔自今行大禮先期習儀內閣辦事者
免其餘俱習儀如常○壬戌遣內官祭 恭讓章皇后陵寢以
是日忌辰也○癸亥賜周府改鎮國將軍子壕夫人蔣氏子燁
夫人何氏食米歲各五十石從周王子墮奏請也○戶科給事
中陳鯉等盤糧兩廣還以錢穀虧耗數聞因劾布政使周鐸王
儉知府高橙金純以下二十八人俱命巡按御史連問惟巡撫副
都御史朱英以歷任未久特宥之○巡撫河南右副都御史李
衍等奏河南地方累有河患皆由下流壅塞以致衝決散漫滄
浸民居今宜自開封西南地名新城下抵梁家淺舊河口七里
疏濬壅塞以洩杏花營上流水勢又自八角河口直抵南頓分
道散漫以免祥符鄆陵諸縣雖陳歸德諸州滄浸其衝決隄口
則俟水落之日興工修築工部覆奏 上仍命衍等斟酌行之

○甲子賜朝鮮國朝賀陪臣韓致亨等宴并金織衣綵段等物有差○命代州隰川王仕燧歲祿折色內支米五十石王以歲用不足請也○太子少保兵部尚書余子俊奏比者鎮守蘭縣署都指揮僉事劉瑛奏蘭縣近陞為州乞改舊勅竊見今邊城將佐凡主將據總要之路當節制副叅之任宜稱鎮守副叅以下有與主將同居一城有獨員分守一路者皆稱鎮守猶或近似至於都指揮指揮守備一城一堡亦稱鎮守如分守固原等處叅將守備蘭縣洮州等處都指揮等官及甘州副總兵叅將總名鎮守涼州副總兵却稱分守則是守備屬官與主將相等叅將比副將責重是致職制紊亂號令不行今宜改勅署都指揮僉事劉瑛為守備蘭州於義烏當但因襲已久宜從所請許仍鎮守舊號俟更代之日改正餘若副將叅將與主將同在一

城者名為協守副將泰將都督獨守一路者名為分守都指揮
指揮獨守一城一堡不受主將節制者亦名為分守受節制者
則名守備同事內臣稱號如例凡一切僭稱名色交代日悉宜
更定以正名分 上可其奏○乙丑命前軍署都督同知馮昇
竇授昇勅以從征廣西功陞署都督同知至是自陳其成化六
年藤縣等處殺賊功乞竇授從之仍命自後遠年功次不許奏
擾○丁卯裁革陝西養利州土官知州永康縣土官知縣置流
官知州知縣各一員巡撫都御史朱英言養利土官知州趙武
高子文女徃年嘗有罪籍其家永康土官知縣楊雄傑亦以罪
寘極典其族人連年爭襲重為民患今承平既久聲教日敷乞
裁革土官置流官便養利州流官同知判官可併裁之 上從
其議○詔修南京樓殿○金吾左衛帶俸都指揮劉玉昵官妓

留宿于家久之隣人有通其妻者王覺遂夜於姦所殺隣人刺其妻不死兵馬司執王并妓以聞妻家因誣王為妓殺妻刑部鞠問事白坐杖贖罪調銜差操○戊辰賜鄭王祁鏊第八子名曰見洲○己巳殺死罪囚三十三人於市凌遲處死者一斬者二十四絞者八皆刑部都察院會官審錄于朝而情真罪當者將行刑有十九人毋妻訟寃登聞鼓下給事中以聞詔留重鞠之其一人雖無訟寃而獄詞相連亦留之○庚午清源王府儀賓劉昱坐盜倉糧罪當絞禮部以聞上特宥之仍復其官○辛未命遼東帶俸都指揮莊鑑提調東州馬跟單二堡副總兵韓斌叅將崔勝分領官軍於豐陽萬甸子等處設備如舊從遼東總兵等官言也○壬申太倉米麥積蓄歲久蒸氾自焚至百餘石命典守者皆執送鎮撫司問罪以太監高通并戶部尚書翁

世酋等提督不嚴防範不周亦當究治姑宥之○癸酉毛憐等
衛野人女直都指揮克蘭帖等恭寧等衛指揮哈失帖木兒等
海面欵真河等衛野人女直都指揮哈谷等各來朝貢馬及貂
皮賜宴并衣服線毼等物有差○丙子以明日冬至節遣駙馬
都尉游恭黃鑄分祭 長陵 獻陵 景陵 裕陵文武各樹
門分官陪祭○遣駙馬都尉蔡震祭 景皇帝陵寢○遣內官
祭 恭讓章皇后陵寢○命寧夏副總兵都督僉事緝謙佩征
虜前將軍印克總兵官鎮守遼東宣府遊擊將軍署都指揮使
吳瓚充副總兵分守遼陽等處并以京營管操都指揮僉事韓
斌代瓚充宣府遊擊將軍○丁丑冬至節 上詣 奉先殿
皇太后宮行禮畢出御奉天殿文武群臣及四夷朝使行慶賀
禮畢復詣文華殿慶賀 皇太子 皇太后 皇后俱免命婦

朝賀○戊寅文武群臣朝親王於奉天門東廊○庚辰賜朝鮮國成化十五年大統曆○辛巳復南樂王祈缺爵先是王以罪削爵為庶人至是其妃王氏屢請于朝上命冠帶治事今後若再犯法不輕宥仍賜勅諭之○壬午陞戶部郎中韓文河閩府同知趙銳南京刑部郎中朱貞俱為布政司右叅議文銳陝西貞四川刑部員外郎莊恭為江西按察司僉事○戶部奏定遼東關中淮浙河東鹽課則例兩淮存積鹽七萬引引米一石常股鹽八萬引減三斗兩浙存積鹽五萬引引米七斗常股鹽五萬引減二斗河東鹽十萬引引米三斗○免順天府所屬州縣并涿鹿等四十六衛秋糧子粒共七萬一千四百五十餘石陝西州縣夏稅子粒共八萬九千七百餘石以是年水旱災故也○癸未勅後軍帶俸都督僉事李興充副總兵協守寧夏○

兵部右侍郎張鵬乞以其子絳為國子監生許之。○總鎮兩廣太監顧恒奏往者梧州總府列坐臣居中總督兩廣軍務右副都御史朱英居左總兵官平鄉伯陳政居右今改因兵部定議凡鎮守總兵巡撫等官列坐總兵係伯爵以上者居左巡撫係僉都御史以上者居右遂欲據左而朱英稱係總督軍務與巡撫事體不同爭論未決事下兵部總兵巡撫列坐累有奏行事例但成化二年間勅令總督提督軍務等官職自僉都御史以上俱坐於總兵官侯伯之左列名于前已有定制今朱英係總督軍務而總兵官陳政爭坐以紊成規宜令序次如舊 上諭曰朱英止令巡撫兩廣改勅與之。○甲申陞陝西按察司僉事王繼為副使整飭固原等處兵備。○命改定袁伯郭登孫參世襲指揮使從其乞請也。○乙酉南京內官監太監覃力開進貢

還有馬快船百艘多載私鹽投民夫牽挽且遍索州縣驛遞得銀五百餘兩錢帛稱是至甲馬營巡檢司申報武城縣縣遣典史車人盤詰力朋以其衆拒擊典史折其齒射一人殺之傷者甚衆內官汪直廉得以聞逮力朋等治得實刑部生以私鹽拒捕律當斬從之其後力朋竟以幸免○丙戌廣平侯袁瑄卒瑄鳳陽壽州人廣平侯容之子也容自儀賓陞駙馬以靖難功封侯容卒子祺襲祺卒而瑄襲英宗以容尚公主故得封侯以瑄公主薨後庶生不許襲故長陵衛世襲指揮僉事英宗復位大詔天下復功臣失爵者數人瑄與馬得襲侯爵至是卒塋祭如禮孫輅嗣爵○丁亥陞山東石州知州齊經陝西延安府同知王瑒為山西按察司試僉事兵部奏遼東邊務廢弛已久山東按察司可增置僉事二員於府州正佐官內推服勤練事

者量^位試職請勅聽巡撫官節制整飭東西兩路兵備凡邊境墩堡一切事宜皆從缺守等官規畫已定候明年春暖邊境寧謐次第為之期於久便不限歲月三年後有成績者實授之吏部覆奏詔可○宥南京神策等衛并甘肅行太僕寺屬衛一十七處比較管馬官吏虧失馬匹罪俱令停俸責限追補

大明憲宗純皇帝實錄卷之一百八十五

成化十四年十二月戊子朔 上視郊祀牲○己丑發太倉銀三萬兩賑兗州府饑民仍命本府以是歲該運口外軍需米四萬二千四百餘石每石折銀六錢豆五千九百石每石折銀五錢通計所省轉運之費以足賑濟從戶部奏請也○庚寅巡撫福建右僉都御史高明奏先後擒獲上杭縣賊首魯宗鄧嵩等三百一十三人其賊首三十六人已得旨會官鞠實就彼梟首示衆餘多瘦死內黃端等一百二十人皆脇從者情有可矜上請裁處詔貸其死各杖一百發充廣西邊衛軍家屬隨任○明又奏言上杭縣太平溪南金豐豐南四里去縣治三百餘里地界接連江西廣東山深地僻人民頑梗盜賊屢發職此之由今宜即其地析為永定縣而以興化鄉太平及三層嶺三巡檢司

錄之詔可。○壬辰命河南是歲轉運德州臨清二處糧米二十萬石每石折銀八錢以其地頻年水旱省民轉運也。○癸巳授進士王盛章玄應南京給事中盛戶科玄應禮科。○陞巡撫兩廣右副都御史朱英為右都御史仍總督軍務兼理巡撫并賞錫守太監顧恒總兵官平卿伯陳政等兵部尚書余子俊奏比因英政爭坐事議上被旨令英止巡撫兩廣竊見英等俱奏自兩廣兵革之後招撫獲遁逃復業之人共為戶四萬三千六百丁口一千五萬科復田糧一萬五千有奇又建立永安州治邊徼諸安方欲以英等及部下勤勞官屬請旨論功行賞且兩廣災民雜處叛服不常往緣鎮守巡撫等官詞牘不一設立總督之稱使上下協和易於控制英代為其任悉心所事漸有成效今忽辭去總督之柄恐諸夷輕視及側復生兵備一隳難

於再舉奏入 上曰國家懸壽賞以待有功誠所不容但不可
以員濫而得顧恒朱英陳政既有招撫勞効邊徼靖安英陞右
都御史仍總督兩廣軍務兼理巡撫恒政各賜絲段四表裏銀
三十兩降勅獎勵既而予俊復言恒等往奏恭將都指揮同知
楊廣都指揮僉事王輔署都指揮僉事馬議孫震左叅政袁愷
右叅政黃頃車寧副使陶魯范鏞張敷林錦孔鏞右叅議謝綬
僉事羅明趙弘都指揮僉事潘椿梧州府知府吳中高州府通
判陳綱等俱奉宣德意招撫安輯効勞官屬內魯鏞敷中綱輔
震等衝冒瘴厲涉危險阻効勤充大竊見英比已進秩恒及魯
等更乞裁處陞賞以為後勸命俱賞絲段二表裏魯等仍加銀
十兩○甲午巡撫福建右僉都御史高明乞仍歸養病詔許致
仕 上諭戶部臣曰今歲北直隸水災殊甚聞說紫荆關水門

被水衝其門扇至涿州則吾民之淪沒禾稼漂流人畜焚燬甚
矣其田稅應免者可悉免之於是免直隸河間府所屬州縣并
瀋陽等四衛是歲秋糧子粒三萬三千六百餘石及大名廣平
順德保定四府大寧都司屬衛秋糧子粒共十六萬九千餘石
○兵部左侍郎馬文升奏比者建州海西犯邊諸夷俱已聽撫
效順蓋遼東邊禍起自海西馬牛倣赤哈等數人或因不得官
職勒書或欲入貢被守關指揮等官索錢詬辱參將周俊知之
既久不與轉達處分及謀已成又不能撫安解息以釀成大患
供宜違問仍行遼東守臣凡傳報夷情有所隱匿不平者即宜
招徠首惡之人開諭釋怨或具聞匿處從之○乙未臘節賜百
官宴于午門○增置太常寺司樂二員本寺言供祀官少故也
○巡按江西監察御史段正言流賊三十餘人攻破新昌縣治

釋放獄囚劫掠財物拒敵殺人等下兵部言新昌壯色勢足保障乃被賊三十餘徒縱橫如此其鎮守巡按三司等官俱視常怠忽匿不奏聞宜降勅切責之使督令所司責限緝捕其應停俸戴罪者行令巡按御史如例施行從之○丙申賞遼陽等衛殺賊有功官軍白金綵段等物有差○丁酉命大同都指揮使朱鑑守備大同右衛城都指揮同知施英守備大同左衛城威遠衛帶俸指揮同知張俊守備陽和城雲川衛指揮使陳懷守備應州城其指揮俱視都指揮行事從巡撫大同右衛都御史李敏等奏舉也○戊戌太監黃高傳奉 聖旨陞鴻臚寺卿施純為禮部右侍郎仍舊任事○辛丑前太常寺少卿兼翰林院侍讀牛綸奏臣起進士權編修累至前官以臣叔太監玉有罪奪職閑住今玉蒙恩復任乞念臣謀續舊勞量授一官與玉相